

地 610  
939

合肥關仲韓先生遺著

新疆大記

光緒丁未冬至桐城張祖翼題

合肥闕仲韓先生遺著

新疆大記

光緒丁未冬至桐城張祖翼題

叙

咸同之際海內初定耆儒碩德以文學相尙恪守師承并有述造中朝薦紳亦相沆瀣東南大吏如曾文正沈文肅丁文誠張文達諸公莫不初下輶軒即闢書局甄采古籍校理祕文所以餉遺學子綿衍薪傳至深遠也合肥闕仲韓先生以諸生從軍積功被薦作令吳中峻邁清剛不偶於世與高安高碧湄心夔歸安楊季逯峴江山劉泖生履芬山陰傅星槎維祚諸寓公以學行相砥厲壇坫斯崇物望攸屬同光之間江南學人所謂五君子者也高楊長於金石考訂之學傅劉兼擅詩古文辭而先生則博綜史例奄有三長屹屹窮年積稿甚夥顧以輕率流傳有乖亭林良工示璞之旨遂扃篋衍不銜棗梨先生賃廡予家垂二十載仁俊勝衣就傅拜省光儀泊乎壯年敬承馨效歲丙戌先生歸道山予始從哲嗣新甫司馬濬鼎獲讀茂陵之書編年紀事之作義疏旁證之文動盈篋笥蔚爲巨觀其已編定者有因是閣詩古文詞集各若干卷譚小錄一卷

已刊行者有六友山房外集一卷此外則以新疆大記及徽縣略志回回事略等六卷尤爲切要山川能語幅員既長懷恤緯之殷憂獻固圉之長策思深哉有心矣記中博稽前志辨證傳聞不以大荒而不論不以既往而不徵窺其深衷蓋諗知羈縻勿絕之非計而諷當事者以力征經營杜塞外患也今先生謝賓客而天山之下圖籍改色詩云惟彼聖人瞻言百里彼中興諸老之汲汲於崇尙儒術豈故爲是宏獎風流援引氣類而已哉亭林有言文須有益於天下讀先生斯記固知與樊川罪言同有取爾也文孫霏初上舍鐸遊予門牆十餘年今留學日本將以大記先付印以廣其傳書來乞序爲述其先德及吳下舊聞以報之儻亦先生所默許者乎

光緒丁未十二月

吳縣王仁俊敬題於武昌存古學堂

# 新疆大記

卷首

造像

略例

目錄

書後

緒論

卷一

道里記上

卷二

道里記下

新疆大記 總目

卷三

城郭記上

卷四

城郭記下

卷五別記

回回事略

卷六別記

徽縣略志

準噶爾事略

準噶爾舊疆考  
附

			像	畫	公	是	因	父	王	先		
十	翁	光	之	紳	鐸	乃	麟	堅	昔	牽	顛	清
有	自	緒	仙	耶	則	若	而	耶	美	駕	耶	乃
二	題	壬	耶	貞	宣	齎	蠖	乃	而	不	乃	神
	時	午		不	耶	有	弗	若	文	騫	必	定
	年	因		絕	冠	錚	伸	藪	骨	耶	擗	乃
	六	是		俗	耶	而	耶	有	則	乃	而	天



光緒丁未孫男鐸敬謹付印

## 略例

一本書專爲考索新疆方輿道里而作刺取前史以爲左證道里記上下二卷專紀今地名之道里附以沿革考證城郭記上下二卷專紀古地名之城郭引據前史皆以天山南北路區畫疆宇秩然不紊

一紀西域疆土以蒲昌海天山爲樞紐則四方皆有紀極一出關由安西州迤至極西北境是爲天山南路一由鎮西廳迤西北而至伊犁是爲天山北路南再分葱嶺南北中三路北再分伊犁東西兩路

一記中考訂疆域於距離里數最爲詳核惟與他輿圖不無小異者蓋輿圖通例每方百里計以鳥道此則悉據實測也又城堡附近諸地名往往與他書及圖所載小異者他書泛及諸方容有漏略此則專詳西域故也至名都重鎮則印證他書無不符合

一人名地名全係譯音列代正史及西域記水道記等書往往互異如土爾番



作土魯番衛拉特作瓦刺古朗吉作布隆吉之類披圖對音易滋舛午今悉依欽定譯音以衷一是仍注舊音以便鈞考間有地名隱僻不易對音者苟音義可通即據他本採入

一譯音與舊音亦有不可盡明者如巴爾庫勒舊音爲巴里坤然今制於其地置領隊大臣仍以巴里坤字繫銜想可互通未敢率改

一回回與準噶爾諸部皆別爲事略以紀其種族之盛衰風俗之習慣與其疆域大勢史傳舊聞別附雜篇以供蒐討

一徽縣爲隴西故地典午以來戰爭起伏蓋西北一大樞紐也記新疆之外兼述徽境爲略志一通記其道里疆界而注重兵事旁及人物俾論世之士有所

引據

一記中次第悉依原目不敢有所躡雜惟原目道里記後別有沿革記子目相同今則省併爲一又徽縣略志本無子目茲之分列四類係重校時所定

一本書草創於咸同之間故於近年建置多未箸錄然山川方隅固亦按圖可指願以異日蒐採同光以來掌故沿革之關於新疆者別爲今記以承其後  
一原稿附圖一卷精確詳慎皆據實測而得間有缺佚亦不敢妄有增益致改舊觀圖中小印二枚一曰沈份私印一曰培園沈君蓋當年爲先王父分任編測者又原書經徐君文賁字十樵者校勘一過茲敬錄於此

光緒丁未冬次孫鐸校竟敬記

原圖因在東付印無從參校未敢率爾刊行擬於回國後精校覆繪再版加入附記

# 新疆大記目錄

因是閣遺書之一

## 道里記第一

天山南路

安西州 玉門縣 敦煌縣 哈密廳 闢展廳 哈喇沙爾 庫車  
阿克蘇 賽喇木 拜 烏什 喀什噶爾 葉爾羌 和闐

## 道里記第二

天山北路

鎮西廳 迪化州 奇台縣 阜康縣 昌吉縣 綏來縣 庫爾喀  
喇烏蘇 塔爾巴噶台 哲克得里克 額爾齊斯 伊犁東路 伊  
犁西路

## 城郭記第一

新疆大記 目錄

天山南路

嶺	依耐	犁	幹瑞	乙弗敵	博哈爾	獨山城	土爾番	立師	伊吾盧	天山南路
北道	<small>嶺以下為葱中道</small>	喝盤陀	失刺思	精絕	尉頭	巴什伯里	焉耆	狐胡	哈密	
居為葱		俱蘭	亦弗思罕	小戎	沙鹿哈雅	龜茲	危須	車師前部	東且彌	
休循	無雷	賒彌	俺的干	戎盧	樓蘭	養夷	尉犁	高昌	西車彌	
康居 <small>附</small>	識匿	烏菴	西夜 <small>嶺以下為葱南道</small>	渠勒	婁蘭	溫宿	山國	輝和爾	卑陸	
大食	難兜	罽賓 <small>附</small>	于闐	扞彌	婁差	姑墨	烏壘城	亦都護	卑陸後國	
賽瑪爾堪	大夏 <small>附</small>	小勃律 <small>附</small>	皮山	于闐	鄯善	塔什罕	輪臺	哈喇和卓	劫國	
喀什噶爾	厭噠吐火羅 <small>月氏</small>	疏勒	莎車	吐谷渾	吐善	賽藍	默爾奇斯			
迭里密	捐毒 <small>以下至康</small>									
渴石										

## 城郭記第二

天山北路

車師後國 烏貪訾離 西蒲類 移支 東蒲類 烏孫 匈奴

鮮卑 高車 蠕蠕 悅般 鐵勒 薛延陀 同羅 僕骨 多覽

葛 斛薛 阿拔 契苾 拔野古 白霽 北突厥 拔悉密 葛

邏祿 回紇 西突厥 石國 沙陀 回鶻 西突厥 謙州以下

爲回紇 益蘭州 吉里吉斯 烏斯 撼哈納 嶺北行省 瓦剌

## 別記第一

回回事略 準噶爾事略 準噶爾舊疆考附

## 別記第二

徽縣略志

一沿革 二兵事 三人物 四雜記

新疆大記 目錄



書後

右 先王父因是公遣著新疆大記稿六卷圖一卷光緒丙戌 先王父見背  
先君夙嬰疾病常在壯蓐未遑校刊賫志沒地鐸少而失學不自樹立家又  
屢空不足以竟先人未竟之志十年以來耿耿明發載書遠遊冀有所遇偶有  
見聞足資參證隨時記錄久而成帙頃歲留東棘心時局披覽新圖輒多變色  
向之回疆今爲俄域西鄰虎眈中原獅伏石田成腴名都易姓求所謂若布魯  
特若霍罕若安集延若哈薩克若布哈爾等等者皆已名從主人不復地從中  
國可勝歎哉蓋新回諸疆於我盛時喁喁內響乾隆中葉命將出師祇在撫循  
未勞剪伐雖袤延數萬里已隸版圖而教養所施不被徼外輓近以來通儒相  
望亦復儕以大荒存而不論中朝失馭遂絕羈縻俄人智取力征經營不數十  
年舊觀頓改今之讀史者將欲逾天山跨葱嶺問炎劉之西域畧却特之藩封  
輒復悵望窮邊傷懷陵谷厖餽糠及米之憂作亡羊補牢之計有以哉有以哉

中原苦邊患久矣長城竟海蒲陶入漢降及晉唐胡蕃馭還二千年來之戰局西北實始終之固不獨伊川野祭武靈蠻靴之足供慨歎也 先王父孳精史學志在澄清道光末造杖策從戎盾鼻旄頭多所記述此新疆大記者屬草兵間原非定本斧落徽引有待親歷高志不遂遽棄人間其他譔箸雖自勘定亦不欲早付剗氏殆軍中記實多與官牘不符或於時賢故實多所觸迕未可知也鐸 祖庭逮事虛受楹書竊謂此記宜公當世論古則資對鏡知今則畀方針記中詳列里程明辨向背既異經生稽古之談更祛大漠迷方之惑鐸 復別疏緒論附麗於篇綜述方輿參綽度敢云貫串聊代引喞都無義例之依不免雜糅之誚又篇末回疆故地多入強俄證以近日輿圖理宜刊落惟參考攸資固有取爾存之後幅以當續貂自餘舛午知甚叢沓通方諸彥倘糾正之戊申五月次孫鐸校印訖並記



## 緒論

合肥闕鐸霍初

新疆全境東界安西州東北界哈薩克部西南界布魯特及克什米爾伯特等部南界西藏東南界青海蒙古東西七千餘里南北三千餘里週積二萬餘果新疆各城與京師距離里數

伊犁一萬六百里

塔爾巴噶臺一萬二百八十里

庫爾喀喇烏蘇九千五百五十里

烏魯木齊八千八百四十里

古城八千三百五十里

木壘八千百七十里

巴里坤七千五百十里

以上北路之道里

喀什噶爾一萬二千二百二十八里

英吉沙爾一萬二千五百八十里

葉爾羌一萬二千二百二十八里

和闐一萬三千三十八里

烏什一萬一千五十八里

阿克蘇一萬八百八十八里

庫車一萬十八里

喀喇沙爾八千九百五十里

吐魯番七千九百三十里

哈密七千八百八十里以上南路之道里

道里既定纏度可稽以伊犁言之日行晝夜出入時刻惟二分與京師同春分後晝刻漸長於京師秋分後晝刻漸短于京師冬至爲短之極日出遲十三分日入早十三分較之京師晝刻短一刻十一分冬至後漸贏至驚蟄日出遲二分日入早二分春分適與京師合夏至爲長之極日出早十三分日入遲十三分較之京師晝刻長一刻十一分夏至後漸縮至白露日出早二分日入遲二分秋分又適與京師合至於節氣中氣交入時刻伊犁與京師較早九刻二分其南北兩路則喀什噶爾早伊犁二刻三分早京師十一刻五分英吉沙爾早伊犁二刻早京師十刻十一分葉爾羌早伊犁一刻九分早京師十刻五分阿克蘇早伊犁十二分早京師九刻十四分和闐早六分早京師九刻八分以上皆視伊京俱早者也哈密遲伊犁三刻三分早京師六刻巴里坤遲伊犁三刻

早京師六刻二分木壘遲伊犁二刻五分早京師六十刻二分吐魯番濟木薩  
遲伊犁二刻早京師七刻二分烏魯木齊遲伊犁一刻十分早京師七刻九外  
喀喇沙爾遲伊犁一刻五分早京師七刻十二分塔爾巴哈臺遲伊犁一刻二  
分早京師八刻庫爾喀喇烏蘇遲伊犁九分早京師八刻八分庫車遲伊犁三  
分早京師八刻十四分

漢書西域傳稱山北六國後漢書又稱車師六國六國者車師前後及卑陸且  
彌蒲類移支即今之巴里坤烏魯木齊也其西爲烏孫其北爲匈奴五單于地  
即今之伊犁塔爾巴哈臺也乾隆二十二年平準部定新疆北路分建城邑伊  
犁之城九烏魯木齊爲腹地立郡縣設屯堡尤多其都統所駐曰鞏寧城提督  
所駐曰迪化城乾隆三年建鞏寧東路城堡十有四古城領隊大臣駐孚遠巴里坤  
領隊大臣駐會寧鎮西府治鎮西西路城堡亦十有四庫爾喀喇烏蘇領隊大  
臣駐慶綏精河糧員駐安阜南路城一喀喇巴爾噶遜守備駐嘉德土魯番領

隊大臣駐廣安綏靖城塔爾巴哈臺所建也

巴里坤東至哈密所屬羊圈溝塘二百里西至烏魯木齊所屬之濟木薩塘九百里南界哈密北界喀爾喀在肅州北一千七百里與哈密皆以天山爲界山陽爲哈密山陰即巴里坤也東門外有漢永和三年敦煌太守裴岑紀功碑天山之山顛有唐貞觀十四年姜行本紀功碑蓋巴里坤爲自古戰守阨隘之地乾隆三十八年設鎮西府領宜禾奇臺兩縣尋降府爲廳省宜禾縣古城曰孚遠西至濟木薩六十里東至奇臺縣九十里南阻松山北界沙山西北通科布多

烏魯木齊係準噶爾舊地東界哈密所屬之羊圈溝塘一千四百六十七里西界伊犁所屬之瑚素圖布拉克臺一千四百四十里南界喀喇沙爾所屬之蘇巴什臺八百二十里北界塔爾巴哈臺所屬之烏爾圖布拉克臺八百卅五里東北界科布多所屬之鄂倫布拉克臺八百四十里所轄領隊大臣五道員一

庫爾喀嗽烏蘇曰慶綏城精河曰安阜城自精河西三百二十里瑚素圖布拉克臺爲伊犁界南皆大山庫爾喀喇烏蘇所屬土爾扈特其游牧之地曰濟爾噶朗距城八十五里東至奎屯河邊定界西至固爾圖托多克兩軍未至之中立界南至南山北至戈壁湖灘精河所屬土爾扈特其游牧之地曰託里距城九十里東界精河城北界喀喇塔拉額西柯淖爾南界伊犁哈什圍場山陰西界托霍木圖臺

塔爾巴哈臺舊爲準噶爾游牧之地乾隆二十九年參贊大聞綽勒多由烏魯木齊率兵六百屯雅爾地方建城並派京健兩營兵三千駐劄三十一年阿桂以冬令雪大奏移進二百里於楚呼楚之地築一城即綏靖也東至科布多界烏隆古河八百里北至科布多界額爾齊斯河六百里南至伊犁界阿魯沁達蘭三百八十里西至愛古斯哈薩克部落四百餘里所屬有厄魯特（在城東南）巴爾魯克毛海柯凌賽爾等處距城百餘里夏季於雅瑪圖策勤克等處距

城三百里編六佐領）有察哈爾（在拜興圖一帶一佐領）有土爾扈特（在霍克博賽里地方）有哈薩克（西北卡倫外游牧九十餘戶七百餘口）

喀什噶爾徠寧城東至英阿瓦特回莊二百五十里與葉羌爾連界（自英阿瓦特莊以東皆戈壁凡六百里至蔡爾羌所屬之巴爾楚克臺）南至和什爾塔克腰臺四百卅里與葉爾羌連界（喀什噶爾之南爲英吉沙爾以係屬城故舉葉爾羌爲界）西至烏帕特卡倫一百二十里與布魯特喀爾提錦部落連界（路通安集延）北至伊斯里克卡倫一百七十里與布魯特冲巴噶什部落連境

喀什噶爾所轄回莊

賽爾滿城正西  
二里

霍爾罕城西  
五里

阿爾斯阿圖什城東北  
七十里

玉斯圖阿原圖什城北  
五十里

阿爾瑚城東北  
八十里

木什素魯克城西北  
八十里

烏怕爾城西南一百里

塔什密里克城西南一百五十里

牌素巴特城正東一百六十里

罕愛里克城正西三十里

伯什克勒木城東北三十里

托古薩克城正西三十里

阿爾瓦城正東三十里

和巴爾布依城東里八十

岳普爾瑚城東南二百里

塔斯渾城正南八十里

今之新疆即漢書之西域稱南有大山東扼玉門陽關西限葱嶺葱嶺爲南北大山之宗而南北大山新疆兩路之所由分也大地之山發脈于岡底斯山

在西寧西南五千五百九十餘里

山有四幹其西北趨者爲僧格喀巴布山在和闐正南西北千八百餘

里爲齊齊克里克嶺喀什嶺又西爲和斯魯克嶺又北折爲吉布察克山

又折而東爲阿喇古山復東爲喀克善山凡周環千八百餘里總名爲葱嶺

從葉爾羌之南分支東行者爲南山東出金城與漢南山屬終南山也至烏什阿克蘇北分支東

行者是爲北山第漢書云傍南山北爲南道傍北山爲北道是二道皆在北山

之南今則南路在北山南北路在北山北也

自伊犁惠遠城東北行一千九百五十里至塔爾巴哈臺城此軍臺路程其由卡倫行者自惠遠城二百五十里至干珠罕又一百二十里至烏蘭布喇又九十里至沁達蘭又百四十里至阿魯沁達蘭又百里至莫多巴爾魯克又九十里至巴巴爾魯克又九十里至額爾格圖又八十里至察罕托海又百二十里至瑪呢圖又百三十里至塔爾巴哈臺共一千四百三十里

在漢爲匈奴地其東北與科布多以額爾齊斯河爲界西及塔爾巴哈臺東北皆哈薩克也自惠遠城東行六百五十里經土爾扈特游牧至精河城又東四百十里至庫爾喀喇烏蘇城西南有地名鄂壘札拉圖

又東經綏來昌吉二縣七百里至烏魯木齊哈密城即古車師後王庭其前王庭即今吐魯番也

漢書西域傳車師後王國治務圖谷今巴里坤西二百五十里有務塗水塘或



以爲即古車師後王國所治第漢時都護所治在今車爾楚其地距吐魯番近距巴里坤遠而漢書云交河城西南至都護治所千八百七里務塗谷西南至都護治所千二百三十七里是古務塗谷近于交河城非今之務塗谷也烏魯木齊東南越齊克達巴罕五百三十里至吐魯番

宋史高昌傳王延德使高昌師子王邀延德至其北庭歷交河州按交河縣即吐魯番北庭即烏魯木齊所云經柳谷度金嶺者當即齊克達山一帶也

又東行一千三百三十里至巴里坤南爲天山即古祈連山北爲巴爾庫淖爾即古蒲類海迤北喀什喀爾界此北路疆域也

巴里坤踰天山三百三十里爲哈密城即古伊廬其山道極險峻盤道數十折衛以欄楯雍正十一年兵部員外阿炳安所闢也

唐元和郡縣志伊州治伊吾縣領柔遠納職二縣天山亦名折羅漫山在伊吾縣北一百三十里今哈密城北百十里爲天山是古伊吾縣治在今哈密城南

矣又拘密山在納職縣北百四十里又北二十里抵蒲類海又柔遠縣柳谷水有東西二源出縣東北天山南流十五里合流是納職縣治在今橙槽溝南北柔遠縣治在今塔勒納沁城左右也

哈密西行折而北踰烏克克嶺行兩山中以避風戈壁之險出山至鹽池經闢展城至吐魯番凡七百五十里其地爲唐安樂城

唐文河縣治崖兒城崖兒即雅瑚音之訛

其東七十里

爲喀喇和卓即大明州治也又東五十里爲魯克沁即漢柳中地戊己校尉所治魯克沁即魯克察克元史作魯古塵

準噶爾本元阿魯臺部也即厄魯特聲之譌

噶爾丹者北厄魯特之汗也左翼圖謝圖右翼車臣皆喀爾喀部蒙古與厄魯特爲鄰

乾隆四十七年侍衛阿彌達窮河源考其濫觴自葱嶺始按其極星之出地高下定以中星之偏東偏西考喀什噶爾河源當極星四十度八分中星偏西四

十三度二分葉爾羌河南源當極星卅六度六分中星偏西卅九度葉爾羌河西源當極星卅七度至卅八度中星偏西四十二度和闐河東源當極星卅六度中星偏西卅五度和闐河西源當極星卅六度中星偏西卅六度八分阿克蘇河東源當極星四十一度八分中星偏西四十七度其四河交匯當極星四十度四分中星偏西當三十五度五分自此東流達於羅布淖爾其地當極星四十度至四十度五分中星偏西廿八度至廿七度又東經吐魯番城其地當極星四十三度中星偏西二十六度又東經闐展城其地當極星四十二度八分中星偏西三十五度又東經哈密城其地當極星四十二度八分中星偏西廿一度八分自羅布淖爾伏流一千五百里而出於阿勒坦噶達素齊老乃爲黃河考古說之異同彰河宗之靈蹟皆資西域之地圖以爲定論

天山以南悉爲回疆乾隆二十四年平定後建八城曰喀什噶爾爲疏勒國曰英吉沙爾爲依耐國曰葉爾羌爲莎車國曰和闐爲于闐國曰阿克舒爲溫宿

國曰烏什爲尉頭國曰庫車爲龜茲國曰喀喇沙爾爲焉耆國皆漢時城北諸國境也惟其地名悉改沿回語今爲通譯於下喀什者各色也噶爾者磚房也謂居民富厚多磚房也英吉者新也沙爾者城也言其地新建城也葉爾者地也羗廣也言其地寬廣也和闐爲古于寘之譌阿克者白蘇水也謂其地昔有水患以水得名也烏什即烏赤山名也其地山石突出城居山上故以山名庫謂此地車謂智井言其地有智井也喀喇黑色也沙爾城也其城歲久而色黑言古城也以上八城分駐辦事領隊大臣英吉沙爾附喀爾噶爾和闐附葉爾羗阿克蘇先附烏什嘉慶二年始分而總其事於喀什噶爾參贊大臣喀什噶爾英吉沙爾葉爾羗烏什阿克蘇五城有滿營綠營兼駐和闐庫車喀喇沙爾三城有屯田餘城則無阿克蘇又有織局

喀什噶爾烏什阿克蘇又有布魯特喀喇沙爾土爾扈特和碩特此其大略也布魯特分東西二部其首領謂之比次者爲阿哈拉克齊每部落之首領無額

數以曾經出力或有勳伐者爲之亦父子相繼有罪則除其相去遠近哈薩克左部則阿迪勒所轄衛遜諸鄂托克附伊犁崆郭羅勒鄂倫及鄂爾果珠勒卡倫伊巴克所轄索宛托克附伊犁沁達蘭卡倫俱有所近幹理所轄阿塔海瑚蘭素諸鄂託克爲較遠右部則江霍卓卓勒齊所轄奈曼諸鄂托克附塔爾巴哈台爲最近其西部額勒里汗弩喇麗汗處極西爲最遠

布魯特在漢爲休循捐毒二國在唐爲大小勃律乾隆二十三年大軍討逆回波羅尼都霍集占將軍兆惠捕伊犁餘孽旋師道經布魯特界酋長圖魯起拜等願內附霍集占在葉爾羌與官軍抗拒波羅泥都將自喀什噶爾往援布魯特以兵攝其後乃止波羅泥都之衆不敢進

烏什逆回賴黑木圖拉滋事巴布敦偕安集延貿易回人間道赴霍罕乞援且譎言惑衆布魯特比齊里克齊誘巴布擒之遣其弟喀爾捫都縛獻今則布魯特霍罕安集延哈薩克布哈爾諸地全爲俄人取去茲就昔時內附者論列

之

布魯特各部落

沖巴噶爾部落 在喀什噶爾城東北巴爾昌卡倫至西北喀浪圭卡倫以外  
通霍罕

希布察克 英吉沙爾城東南鐵列克卡倫至西北圖木舒克卡倫以外及喀  
什噶爾西南伊勒古楚卡倫內一帶游牧通拔達克山布哈爾等地方

薩爾特 在喀什噶爾西南伊勒古楚卡倫外

奈曼 在喀什噶爾西南伊勒古卡倫外游牧通巴達克山布哈爾地方

喀爾提錦 同前在玉都巴什卡倫外游牧通霍罕達爾民斯霍占等地方

提依特部 在喀什噶爾東北伊蘭烏瓦斯卡倫外游牧通奇里克布庫部

圖爾額依格部 在喀什噶爾西烏帕喇特卡倫連提依特部

蘇勒圖部

岳瓦什 喀浪圭卡倫通瑪爾噶朗霍罕

額德格納 與岳瓦什同在喀浪圭卡倫外相距八站

察哈爾薩雅克 圖舒克塔什倫外連薩雅克部落

薩雅克 通哈薩克

巴斯奇斯

蒙額勒多爾 伊蘭烏瓦斯卡倫奇里克布庫部落

色勒庫爾 在葉爾羌城西南亮噶爾卡倫外通英吉沙爾城南烏魯克卡倫

奇里克 在烏什城西沙圖卡倫外鄂斯塔勒地方通伊犁

胡什齊 哈克沙勒地方通喀什噶爾

薩爾巴噶什 亦名布庫部落在伊犁西南鄂爾果珠勒卡倫外特雅爾圖淖

爾南岸

哈薩克爲漢康居非大宛也所部本回種伊犁之西有塔什罕者與哈薩克同

族乾隆三十二年阿布賽遣都拉特柯勒至伊犁呈遞以霍罕伯克頗爾德泥  
強占塔什罕阿布賽以阿布勒必斯帶兵奪回塔什罕求借兵二萬以攻城  
該部落向傳圖記二枚一在阿布賽處一在都拉特柯勒處可以交換  
城郭居者爲塔什罕游牧者爲哈薩克其部有三曰左部亦曰東部曰右部亦曰中部曰  
西部

哈薩克三部之部落

阿卜賴 瓦理 阿布賽 幹理 阿帕斯 蘇勒坦柯喇依以上左部 脫

卜柯依 色莫柯依 托布柯依 都爾損以上右部 都爾遜庫楚克

阿迪勒薩滿 頭克占以上西部

哈薩克內有伊克準都木達準巴罕準三部

伊克準即衛遜鄂託克向無管束之人有事則在阿布賽博羅持阿布勒必斯  
等處詢行



都木達準即奈曼阿爾呼勒兩鄂托克又巴罕準即阿勒沁鄂托克考其地望  
伊克準即左部都木達準即右部巴罕準即西部也

其汗近族之臺吉曰蘇勒坦亦曰蘇爾統

大興徐松漢書西域志補注有三十六國考今附錄於此並與荀悅漢紀等書  
參互考證之

婁羗 荀悅漢紀次第一 案婁羗國以下次第依徐注而記荀紀次第於下

樓蘭 即鄯善國 且末 荀作沮沫次第二 小宛 精絕 荀第三 戎廬 荀第四 扞

彌 荀廿六爲次 史記作扞窰索隱扞窰國名也 大國第一 今名寧彌

渠勒 荀第十 于闐 荀廿七爲次大國第二 皮山 荀第六 烏秣 荀第七 西夜

荀第八 子合 蒲犁 荀第九 依耐 荀第十 無雷 荀第十一 難兜 荀作難完第

廿八爲次大國第三 大宛 桃槐 荀第十三 休循 荀第十四 捐毒 荀第十二

莎車 荀第卅一次大國第四 疏勒 荀第十五 尉頭 荀第十六 姑墨 溫宿 荀第

三十次大國第五 龜茲 荀第世三次大國第六 尉犁 荀第卅四次大國第七 危須

荀第世五次大國第八 焉耆 荀第三十二次大國第九 姑師 荀第廿七有車師國徐松

以爲車師前後王及山北六國則孝武時有姑師而無車師前後國及山北六國車師都尉國車師  
後城長國烏貪訾雖亦建國於元帝時鬪賓烏弋山離安息大月氏康居五國不屬都護輪臺爲漢  
所滅小金附漢不禁車師之伐其不屬漢可知皆所不當數也

黑山 孤胡 第廿五 劫 第廿四 渠犁 烏壘

按荀紀二十七小國小者七百戶大者千戶耳次大者九國小者千餘戶大  
者六七千戶與漢書同者共二十七國別有五國與漢書異今附列於後

烏貪 第十七 卑陸 第十八 渠類谷 第十九 隋立師 第二十 單桓 第二十一

今回疆地即漢三十六國古蹟外喀爾噶部科布多城塔爾巴哈臺城皆古匈  
奴右部